

Na osnovu člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 7. Pravilnika o tarifnom postupku, na sjednici Državne regulatorne komisije za električnu energiju, održanoj 7. juna 2005. godine, donijeta je

ODLUKA

O ODREĐIVANJU OBRAZACA ZA DOSTAVLJANJE PODATAKA U TARIFNOM POSTUPKU

Član 1.

Ovom odlukom propisuje se oblik i sadržaj obrazaca na kojima regulirane kompanije dostavljaju podatke neophodne prilikom podnošenja zahtjeva za odobrenje tarifa u tarifnom postupku koji provodi Državna regulatorna komisija za električnu energiju (u daljem tekstu: DERK).

Član 2.

Podaci iz člana 1. ove odluke dostavljaju se na obrascima kako slijedi, uz ovjeru odgovornog lica sa punim imenom i prezimenom, potpisom i pečatom na obrascu TP.

I Opći podaci o kompaniji (TP-A-OP)

Obrazac broj TP-A-OP sadrži opće podatke o kompaniji i podatke o odgovornom licu kompanije.

II Kvalifikacijska struktura radnika (TP-B-KS)

Obrazac TP-B-KS sadrži podatke o broju i kvalifikacijskoj strukturi radnika razvrstane po stručnoj spremi.

III Podaci o realizaciji i tehnički podaci (TP-CP-EP) i (TP-CN-EP)

Obrasci (TP-CP-EP) i (TP-CN-EP) sadrže podatke o količinama isporučene električne energije, gubicima električne energije, podatke o fakturiranju i tehničke podatke o dalekovodima i energetske transformatorima.

IV Izjava o tačnosti podataka (TP-D-IZ)

Obrazac TP-D-IZ sadrži izjavu odgovornog lica kojom se potvrđuje tačnost dostavljenih podataka.

V Podaci iz bilansa stanja (TP-EP-BS) i (TP-EN-BS)

Obrasci (TP-EP-BS) i (TP-EN-BS) sadrže potrebne podatke iz bilansa stanja.

VI Podaci iz bilansa uspjeha (TP-FP-BU) i (TP-FN-BU)

Obrasci (TP-FP-BU) i (TP-FN-BU) sadrže potrebne podatke iz bilansa uspjeha.

VII Podaci o porezima (TP-G-PB)

Obrazac (TP-G-PB) sadrži podatke o oporezivoj dobiti prema važećem zakonu o porezu na dobit.

VIII Posebni podaci (TP-H-PP)

Obrazac (TP-H-PP) sadrži podatke o plaćama i naknadama.

IX Podaci o fizičkom obimu usluga (TP-I-EN)

Obrazac (TP-I-EN) sadrži podatke o preuzetoj i isporučenoj električnoj energiji.

X Podaci o planiranom i odobrenom potrebnom prihodu (TP-JP-IT) i (TP-JN-IT)

Obrasci (TP-JP-IT) i (TP-JN-IT) sadrže podatke o planiranom i odobrenom potrebnom prihodu reguliranih kompanija.

XI Prilozi (TP-K-PR)

Obrazac (TP-K-PR) sadrži popis svih priloga koji se dostavljaju u tarifnom postupku.

Član 3.

Prilikom iskazivanja podataka na određenim pozicijama u obrascima iz člana 2. ove odluke, regulirana kompanija će koristiti upute DERK-a uz ove obrasce koje sadrže veze tih pozicija sa načinom formiranja potrebnog prihoda utvrđenog propisanom tarifnom metodologijom.

Član 4.

Osim podataka sadržanih u obrascima iz člana 2. ove odluke, regulirana kompanija podnosi i dodatne podatke sa potrebnim pojašnjenjima o njihovoj alokaciji, karakteristikama, strukturi i statusu ili metodu obračuna na način propisan uputom DERK-a.

Član 5.

Obrasci propisani ovom odlukom sastavni su dio ove odluke.

DERK će obezbijediti obrasce propisane ovom odlukom u štampanoj ili elektronskoj formi.

Osoblje DERK-a može davati odgovarajuće upute za korištenje obrazaca, kada je to potrebno.

Član 6.

Ova odluka stupa na snagu osmog dana od dana objavljivanja u "Službenom glasniku BiH".

Broj: 04-02-148/05
7. juna 2005. godine
Tuzla

Predsjedavajući Komisije
Mirsad Salkić